

տօնել զտօն Յաղկաղարդի . և 'ի 13 Ապրիլի յաջորդ Կիւրակէի՝ զԶատիկն : Վասն զի վաղեմի սովորութիւն լեալ էր 'ի մէջ Հայոց և Յունաց յերեկոյի ճրագալուցի Պասեքին ժողովիլ ուխտաւորաց խումն բողբոթեամբ 'ի տաճարին Ա . Յարութեան , և յաղազս կատարելոյ զՀանդէս Լուսաւորութեան՝ Պատրիարքունք երկուց ազգաց 'ի միասին մտանէին 'ի Գերեզմանն Քրիստոսի :

Իսկ 'ի սմին ամի յանջատիլ տօնին՝ տարակուսեալ կային երկոքին կողմանքն թէ ո՛րպիսի եղանակաւ հնար լիցի նոցա կատարել զայն , և թէ յո՞ր վախճան ունէր եզերիլ գործն . զի քաջ գիտէին 'ի պատմութեանց , թէ ո՛րքան խռովութիւնք և աղմուկք լեալ են յառաջին ժամանակս վասն այսր տօնի , մինչեւ հեղուլ զարիւնս միմեանց , առ ի թ լինելով տարապարտ մահուան ոմանց : Նմին իրի՝ Գրիգոր Պատրիարք երկնէր և խորհէր հանապազ 'ի սրտի իւրում թէ ո՛րպէս կարող լիցի գերծուցանել զիւրսն 'ի վտանգէ աստի , եւ կանխէր աղօթիւք առ Աստուած զի խաղաղութեամբ և առանց մեծի մնասու վճարեսցէ զայն :

Իսկ միարանք Յունաց իրազեկ լեալ այսմ՝ սկսան երթեւեկել առ նա , մերթ յայտնի և մերթ 'ի ծածուկ՝ հընարէին որսալ բան ինչ 'ի բերանոյ նորա : Այլ նա ըստ բնաբոյս բարուց իւրոց՝ խոնարհութեամբ և խաղաղական սիրով առնէր նոցա պատասխանի . զի կարի դժուարին և ծանր է խնդիրս ասէ . միայն աղաչեսցուք զԱստուած , զի ինքն ըստ բարի կամաց իւրոց առաջնորդեսցէ 'ի բարին . Հանապազորդ կանխել յաղօթս , և խաղաղութեամբ անցուցանել զժամն : Եւ յամսեանն Նոյեմբերի դարձեալ եկին գլխաւորք միաբանացն Յունաց առ Գրիգոր Պատրիարք , եւ յետ այլոց բանից՝ իբրեւ բանք եղեն նաեւ վասն յառաջակայ տօնի Զատիկին , ասեն ցԳրիգոր . Հայր վարդապետ , գիտեմք զի այր Աստուծոյ ես դու , և սիրող խաղաղութեան , և ոչ են կամք քո բանալ զդուռն խռովութեան 'ի մէջ երկուց ազգացս : Ահա մերձեցաւ տօն Պասեքին , եկեալ եմք առ քեզ , իմանալ զմիտս քո , որպէս կամիս և զի՛նչ հրաման առնես մեզ : Ետ պատասխանի Գրիգոր և ասէ . գիտեմ , զի ազգ ճոխ և փարթամ էք դուք և առագագոյն քան զմեզ , և անհնարին է զիջանիլ ձեզ և